



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. II. An lex vetus fuerit à Deo data, & ubi, ac quomodo tradita fuerit?

[urn:nbn:de:hbz:466:1-77355](#)

tentatis imponere jugum super cervices Discipulorum, quod neque Patres nostri neque nos portare potuimus? Lex autem Evangelica pauca habet, præter moralia, viles naturalis necessaria. Unde Augustinus Epist. 118. Levi jugo suo Christus nos subdidit, & sarcina levi. Sacramentis numeris paucissimis, observatu facillimis, significante præstansissimis, societatem novi populi colligavit. Nec obstat quod in lege Evangelica sint aliqua præcepta difficultia, ut præceptum de unitate & indissolubilitate matrimonij, de necessitate confessionis, & similia; illa enim propter abundantiam gratiæ, quæ à Christo in lege nova confertur, redduntur facilitia, juxta illud Isaïæ 10. In die illa auferetur onus ejus de humero tuo, & jugum ejus de collo tuo, & computures etiæ jugum à fæcie olei.

25. Quintò lex Mosaïca fuit imperfectior ex parte modi quo data est, fuit enim descripta in lapidibus, ministerio Angelorum. At lex nova fuit scripta in cordibus & mentibus hominum, per ipsum Dei hominis verbum, cooperante Spiritu sancto, per abundantiam gratiæ & illuminacionis. De quo fufius disp. sequenti art. 2.

ARTICVLVS II.

An lex vetus fuerit à Deo data, & ubi, ac quomodo tradita fuerit?

26. Sicut Manichæi, ut supræ diximus, negarunt legem Mosaïcam fuisse bonam, sicut iam consequenter affiuarunt, non à Deo, sed à Diabolo datum esse, ut refert Augustinus in lib. de heresis cap. 46. ubi ponit hoc eorum dogma: *Deum, qui legem per Moysen dedit, & in Hebreis Propheta locutus est, non esse verum Deum, sed unum ex principiis tenebrarum.* Similiter Ptolomæus apud Epiphanius heresi 33. affirmit, legem Mosaïcam legatum fuisse à tribus, quorum nullus esset verus Deus, nempe partim à mundi opifice, quem Deum esse nolebat, sed numen quoddam secundarium; partim à Moyse, & partim à senioribus populi Iudaici.

27. Ex Catholicis vero Origenes homil. 16. in Numer. Hieronymus in cap. 19. Matthei, circa illa verba: *Ad duritiem cordis vestri permisit vobis Moyses*, Hugo Cardinalis, & Beda ibidem, existimant, legem Mosaïcam, comprehensam in Exodo, Levitico, Numeris, & Deuteronomio, esse quidem majori ex parte à Deo ipso traditam; veruntamen aliqua ejus præcepta fuisse lata à Moysi, ex propria ejus autoritate, proprioque arbitrio; cuiusmodi fuisse putant legem de libello repudiū. Item Alfonfus Salmeron disp. 61. & 62. in Acta Apostolorum, docet legem Mosaïcam, quæ parte continet præcepta ceremonialia & judicialia, non habere authorem Deum, sed Moysem, qui ejus non solum promulgator, quoad hanc partem, sed & propriè author fuerit.

Denum aliqui SS. Patres, quos refert Baradas lib. 1. de prærogativis novi testamenti cap. 15. sententiam Mosaïcam non fuisse datam à Deo Moysi, ministerio Angelorum, sed ab ipso Verbo Divino, in aëro corpore viso, Moysi immediatè traditam. Quod etiam innuerit videtur Ecclesia in una ex septem Antiphonis, quas ante natale Domini cantat in vesperis, in qua sic ait: *O Adonai, & dux domus Israël, qui Moysi in ign-*

28.A ne flamma rubi apparuisti, & ei in Sina legem dedisti, veni ad redimendum nos in brachio extento. Ut hæretorum error refellatur, & vera ac communis sententia declaretur, sit

§. I.

Prima pars questi resolvitur, & ostenditur legem veterem fuisse à Deo datam, & omnia illius præcepta fuisse à Deo instituta.

D Ico primò, legem veterem fuisse datam à Deo.

Conclusio est certa de fide, ac definita in Tridentino sess. 4. decreto de Canonicis scripturis, ubi sic dicitur: Omnes libros tam veteris quam novi testamenti, cùm utrinque unus Deus sit auctor, Ecclesia Catholica, pari pietatis affectu ac reverentia suscipit & veneratur. Colligitur etiam aperte ex Scriptura, nam Christus Matth. 15. loquens de lege Mosaïca, appellat eam mandatum Dei, cùm ait: *Irritum fecistis mandatum Dei, propter Traditiones vestras.* Et Apostolus sèpè affirmat, Patrem Christi fuisse authorem veteris testamenti, ut ad Romanos 1. & Hebreos 1.

Ratio etiam suffragatur, nam ut discurrit D. Thomas hic art. 2. Ejusdem est proponere finem, & disponere media ad finem: Sed lex Evangelica est finis legis Mosaïcae, juxta illud Apostoli ad Rom. 10. *Finis legis Christus:* Ergo idem Deus, qui est author legis Evangelicae, est etiam author legis Mosaïcae.

Dices: Opera Dei sunt perfecta, ut dicitur Deuteron. 32. At lex Mosaïca non est perfecta, ut articulo præcedenti diximus: Ergo Deus non est author illius.

Respondeo quod licet lex Mosaïca non sit absolutè perfecta, quia deest illi aliquid quod habet lex Evangelica, nempe virtus & efficacia justificandi, & perducendi ad regnum celorum, est tamen perfecta in suo genere; quia cùm ex suo genere debeat esse umbra seu figura legis Evangelicae, in eo genere nihil illi deest. Ita D. Thomas hic art. 2. ad 1. ubi sic ait: *Nihil probabit aliquid non esse perfectum simpliciter, quod tamē est perfectum secundum tempus; sicut dicitur aliquis puer perfectus, non simpliciter, sed secundum temporis conditionem: ita etiam præcepta que pueri dantur, sunt quidem perfecta secundum conditionem eorum quibus dantur, eis non sunt perfecta simpliciter: & talia fuerunt præcepta legis, unde Apostolus dicit ad Galat. 3. Lex pedagogus noster fuit in Christo.*

Dico secundo, omnia manda, quæ sunt scripta in veteri lege, fuisse à Deo instituta, nec ultimum à Moyse propriè autoritate esse datum.

E Probatur primò ex capite 20. Exodi versu 1. ubilex Mosaïca incipit tradi his verbis: *Locutusque est Dominus cunctos sermones hos, Ego sum Dominus Deus tuus, qui eduxi te de terra Egypti, de domo servitutis: non habebis Deos alienos coram me, non facies tibi sculptile &c.* Deinceps vero traduntur sub eodem tenore verborum omnia legis illius præcepta, sive moralia, & ad Decalogum pertinencia, sive ceremonialia, & judicialia, repetendo subinde, & inculcando sepius verba illa: *Hoc dicit Dominus, aut. Locutus est Dominus ad Moysen dicens &c.* Nam cap. 21. versu 1. ubi præcepta judicialia tradi incipiunt, Deus sic Moysi loquitur: *Hoc sunt iudicia quæ propones eis: si emeris servum Hebraum, sex an-*

29.

30.

31.

nis serviet tibi &c. Et cap. 25. versu 1. in quo de praceptis ceremonialibus agitur, sic dicitur: *Lacutusque est Dominus ad Moysen dicens: Loquere filii Israël, ut tollant mihi primitias.* Ex quibus patet, non esse admittendam distinctionem illam Salmeronis in pracepta Decalogi, & in pracepta ceremonialia, quod illa fuerint immediatae à Deo tradita, auctoritate, ut ipse loquitur, suppositi & virtutis; ista vero immediazione tantum virtutis, inspirando scilicet Moysi quæ veller immediate ab ipso constituit auctoritate sibi à Deo data; haec enim distinctione nullum habet fundamentum in Scriptura, qua locis relatis significat, omnia illa pracepta simili modo fuisse ab ipso Deo lata, & Moysi tradita, ut ea promulgaretur.

32. Probatur secundò conclusio: Si aliquod praeceptum legis fuisse à Moysi proprià auctoritate datum, maximè praeceptum de libello repudij: Sed ne quidem tale praeceptum fuit à Moysi proprià auctoritate datum: Ergo omnia mandata veteris legis fuerunt à Deo instituta, nec ullum à Moysi proprià auctoritate datum fuit. Major est præcipuum fundamentum adversæ sententiaz, Minor vero probatur ex eo quod per libellum repudij dabatur facultas dissolvendi prius matrimonium, ut ostendemus in Tractatu de matrimonio disp. 5. art. 2. At nullus hominum proprià auctoritate potest dare talem facultatem, juxta illud Christi in Evangelio Matth. 19. *Quod Deus coniunxit, homo non separabit:* Ergo præceptum de libello repudij fuit à Deo institutum, non vero à Moysi proprià auctoritate datum.

33. Dices, Lex vetus vocatur lex Moysis, Lucæ 2. Malach. 4. aliique locis, & ipse Moyses non promulgator solùm, verum etiam legislator fuisse dicitur à Clemente Romano, aliiisque Patribus: Ergo aliqua hujus legis præcepta à Moysi proprià auctoritate fuere tradita.

Respondeo iis locis quibus lex vetus, Moysis lex appellatur, vocari etiam legem Domini, aut aperte significari fuisse traditam à Deo. Nam Lucæ 2. sic dicitur: *Postquam impleti sunt dies purgationis ejus, secundum legem Moysi, tulerunt illum in Ierusalem, ut sis leviter eum Dominino, sicut scriptum est in lege Domini:* ad significandum scilicet, eandem esse legem Domini ut auctoris, & Moysis ut promulgatoris: qui eadem de causa legislator vocatur à Clemente Romano, aliiisque Patribus. Et Malach. 4. Deus sic loquitur: *Mementote legis Moysi servi mei, quam mandavi ei in Horeb, ad omnem Israëlem, præcepta & iudicia.*

34. Adverte autem, quod quando dicimus, legem Mosaicam esse verè divinam, & non hominum, sed Dei ipsius auctoritate immediate latam, loquimur de lege contenta libris Mosis, ab Exodo ad Deuteronomium inclusivè; neque enim negamus, alias quasdam observationes & leges fuisse postea humanâ auctoritate additas, de celebrando quotannis festo Phurim Esther 9. & de festo Scenopegia 2. Machab. 1. & similibus.

§. II.

35. **D**ico tertio, lex vetus data est in monte Sinai. Patet ex illo Levitici 26. *Hoc sunt iudicia atque præcepta, & leges, quas dedit Dominus Tom. III.*

A nus inter se & filios Israël in monte Sinai, per manum Moysi. Nec obstat quod Deuteronom. cap. 1. 4. & 5. & lib. 5. Regum cap. 8. & Malach. 4. alibique sapientis dicitur, legem veterem fuisse datam in monte Horeb. Hanc enim distinctionem bene componit D. Hieronymus in locis Hebraicis, verbo *Horeb*, dicens eundem montem duplice nomine fuisse nuncupatum, & nunc Sina, nunc Horeb appellatum. Addunt aliqui, verisimile esse, nomen Sinai fuisse nomen quasi appellativum illius montis, à vicino deserto, quod vocabatur solitudo Sinai: nomen autem Horeb, fuisse proprium, & præcipuum, magisque ex celsa partem illius significasse, à qua mons totus vocatus sit mons Horeb, & mons Dei.

Dico quartò, lex vetus fuit à Deo tradita Moysi per Angelos, & ab eodem promulgata.

Patet ex Scriptura, nam S. Stephanus Act. 7. de Moysi sic ait: *Hic est qui fuit in Ecclesia in solitudine cum Angelo, qui loquebatur ei in monte Sina, & cum Patribus nostris, qui accepit verba vita dare nobis.* Et ad Galat. 3. Apostolus dicit: *Quid igitur lex? Propter transgressiones posita est, & ordinata per Angelos in manu mediatoris, Moysis scilicet, qui de seipso ait Deuter. 5. Ego sequester & medius fui inter Dominum & vos in tempore illo, ut annunciatem vobis verba eius.* Et ad Hebreos 2. *Si enim qui per Angelos dictus est sermo &c.* Ubi per sermonem illum intelligit legem Mosaicam, ut patet ex verbis sequentibus: comparat enim illam cum lege Evangelica, & significat hanc esse differentiam inter legem veterem & novam, quod vetus tanquam lex servitutis tradita fuerit per Angelos, qui Dei servi & ministri sunt; lex autem nova, quia lex est gratia, tradita sit per ipsum Dei filium.

Favent etiam SS. Patres, præsertim Dionysius lib. de coelesti Hierarchia cap. 4. ubi hæc scribit: *Has divinas visiones, Patres nostri percepentes per medianas celestes virtutes. An non & facram legificationem, eloquiorum traditio, velut per se quidem dicit ex Deo Moysi donatanum, ut etiam vere nos doceat, divinos eam esse & sacros characteres?* Docet autem sapienter & hoc Theologia, per Angelos eum in nos provenire tanquam divino legali ordine, illud legaliter ponente, hoc est, per prima, secunda in divinum reduci.

Non deest etiam ratio seu congruentia, quam assignat D. Thomas hic art. 3. Lex enim vetus erat imperfecta, & quasi dispositio quedam ad legem novam: Ergo conveniens fuit, ut nova daretur à Christo Domino, vetus autem à ministris. Sic enim fit in artibus ordinatis, ut supremus artifex per suos ministros disponat ea quæ necessaria sunt ad opus, ipse vero ultimam perfectionem adhibeat.

Nec obest, quod ille qui loquebatur Moysi dicebat: *Ego sum Dominus Deus tuus, qui eduxi te à terra Egypti.* Hoc enim dicebat, non in persona propria, sed in persona Dei, quem representabat. Unde Gregorius magnus in præfatione libri Job cap. 1. *Angelus qui Moysi apparuisse scribitur, modò Angelus, modò Dominus memoratur: Angelus propter hoc quod exterius loquendo serviebat; Dominus autem dicitur, quia interius præfendens loquendi efficaciam ministrabat.* Cum ergo loquens, ab interiori regitur, & per obsequium Angelus, & per inspirationem Dominusominatur.

Michaëlem autem personam Dei tunc gessisse, cum lex lata est, multisque Angelorum millibus

C CCC iii

stipatum, in montem Sinaï venisse, Pantaleo Diaconus docet apud Surium in encomio D. Michaëlis: *Michaël (inquit) Angelorum dux & longe maximus, & excellensissimus minister divinae legis, qua data fuit in monte Sinaï &c.*

40. Plura verò mirabilia & terribilia in eo monte contigerunt, cùm Decalogi lex per illum promulgata est. Nam totus mons ardebat igne. Totus fumabat, quia ex igne, tanquam ex fornace, ascendebat fumus. Nubes densissima montem operiebat. Audiebantur tonitrua, micabant fulgura, & clangor tubæ seu buccinæ perstrepebat. Tum demum Angelus, tubali & horribili voce, Decalogum proclamabat, ut posset exaudiri à toto populo circumstante, id est, à tribus hominum millionibus, qui tunc aderant in circuitu montis.

41. Porro qualis fuerit illa buccina disputant Interpretes. Judæi fabulantur fuisse cornu illius arietis, qui ab Abraham pro Isaac fuit immolatus, Genes. 22. Alij verò communiter estimant, tubam illam fuisse æream, non corneam; & Angelum per collisionem aëris edidisse talem sonum, qualis ab inflata buccina, vel tuba prodire solet.

Sed quidquid sit de hoc, notandum est, duplum fuisse sonum illius tubæ seu buccinæ. Unum confusum, quo populus Judaicus evocabatur ex remotioribus castrorum partibus, ut veniret ad radicem montis in circuitu, & ibi legem Decalogi paulo post promulgandam audiret. Alterum distinctum & articulatum, quo Angelus in ipso monte existens, & Dei personam gerens, populo ad radicem montis jam collecto, Decalogum promulgarat.

42. Notandum etiam cum D. Augustino Epist. 119. & Leone Papa serm. i. de Pentecoste, promulgationem legis Moysis, figuram fuisse promulgationis legis Evangelicæ, & eorum quæ tunc facta sunt. Nam primò sicut lex Mosaicæ promulgata est die quinquagesimo post Pascha, id est in die Pentecostes, sic etiam lex Evangelica, ut constat Act. 2. Secundò, sicut illa in monte Sinaï, ita ista in monte Sion promulgata est, juxta illud Isaïe 2. *De Sion exhibet lex, & verbum Domini de Ierusalem.* Tertiò, sicut ibi auditæ sunt tonitrua & fulgura, ita hīc factus est repente de cœlo sonus, tanquam advenientis Spiritus vehemens. Quartò, sicut ibi apparuit ignis & fumus; ita he apparerunt diffusa lingua tanquam ignis. Quintò, sicut ibi timore percussi sunt Judei, ita hīc Apostoli. Denum sicut ibi Angelus clangore buccinæ verba Decalogi perstrepebat, ita hīc tuba Evangelica Apostolorum ore insonuit, ejusque sonus in omnem terrarum orbem exivit.

ARTICVLVS III.

Quotuplia fuerint præcepta in lege veteri?

43. Triplia fuerunt præcepta legis Mosaicæ, moralia, cæmonialia, & judicialia. Ita D. Thomas quæst. 99. Et colligitur ex illo Deuteronom. 5. *Loquar tibi omnia mandata mea, & cæmonias, atque judicia.* Et ex illo Pauli ad Romanos 7. *Lex quidem sancta, & mandatum sanctum, & justum & bonum.* Ubi Apostolus legem veterem vocat mandatum sanctum, propter cæmonialia; justum, propter judicialia; bonum, propter moralia, ut observat S. Doctor art. 4. quæstionis citata.

44. Ratio etiam suffragatur, finis enim lege Mo-

A saicæ erat dirigere populum Judaicum, & convenienter ordinare, tum in ijs quæ spectant ad restitudinem naturalem rationis humanae; tum etiam in ijs quæ ad cultum divinum, & ad iustam politiam pertinent. Ad primum data erant præcepta moralia; ad secundum, cæmonialia; ad tertium, judicialia. Et per hæc tria simul sumpta homo convenienter ordinabatur circa seipsum, circa Deum, & circa proximum; ac per ea, si bene observarentur, Respublica Iudeorum in felici & florenti statu conservanda erat, ut Deus illis promiserat Deuteronom. 28.

Præcepta moralia (ut notat S. Thomas hic quæst. 100. art. 11.) sunt in triplici differen-

B tia: nam quædam (inquit) sunt communis. « sima, & adeo manifesta, quod sunt quasi fines præceptorum; unde in eis nullus potest er. « rare secundum judicium rationis. Quædam vero sunt magis determinata, quorum rationem « statim quilibet etiam popularis potest defaciliter videre; & tamen quia in paucioribus circa huc usummodi contingit judicium humanum perverti, « hujusmodi editione indigent; & hæc sunt præcepta Decalogi: Quædam vero sunt, quorum ratio non est adeo cuilibet manifesta, sed solùm sapientibus. Et ista sunt præcepta moralia superaddita Decalogo, tradita à Deo populo per Moyse & Aaron. Sed quia ea quæ sunt manifesta, sunt principia cognoscendi ea quæ non sunt manifesta, alia præcepta moralia superaddita Decalogo, reducuntur ad præcepta Decalogi per modum eujusdam additionis ad ipsa: nam in primo præcepto Decalogi prohibetur cultus alienorum Deorum; cui super-

C adduntur alia præcepta prohibativa eorum quæ ordinantur in cultum idolorum; sicut habetur Deuteronom. 18. *Non inveniatnr in te qui lustret filium suum, aut filiam suam, dicens per ignem, « nec sit maleficus, neque incantator; nec Pythones consulat, neque Divinos, nec querat à mortuis veritatem.* Secundum autem præceptum prohibetur perjurium: superadditur autem ei prohibitus blasphemie, Levit. 14. & prohibito falsa doctrina, Deuteronom. 13. Tertio vero præcepto superadduntur omnia cæmonialia. Quarto autem præcepto de honore parentum superadditur præceptum de honorificatione senum, secundum illud Levit. 19. *Coram cano capite coniuge & honora personam senis;* & universaliter omnia præcepta inducentia ad reverentiam exhibendam majoribus, vel ad beneficia exhibenda, vel aequalibus, vel minoribus. Quinto autem præcepto, quod est de prohibitione homicidij, additur prohibitio odij & cuiuslibet mortis, contra proximum; sicut illud Levit. 19. *Non stabis contra sanguinem proximi tui;* & etiam prohibitio odii fratris, secundum illud, *Ne oderis fratrem tuum in corde tuo.* Præcepto autem sexto, quod est de prohibitione adulterij, superadditur præceptum de prohibitione meretrici, secundum illud Deuteronom. 24. *Non erit meretrix de filiabus Israël, neque fornicator de filiis Israël,* & iterum prohibitio vitii contra naturam, secundum illud Levit. 18. *Cum masculo non commisceberis, cum omni per core non coibis.* Septimo autem de prohibitione futuri adjungitur præceptum de prohibitione usuræ, secundum illud Deuteronom. 18. *Non feneraberis fratri tuo ad usuram;* & prohibitio fraudis, secundum illud Deuteronom. 25. *Non habebis in sacculo diversa pondera;* & universaliter

E